

Sinar Harian 9/11/2018 m/s 18

Elaun Sara Hidup ringankan beban nelayan

KUALA KRAI - Inisiatif Kementerian Pertanian dan Industri Asas Tani meneruskan pemberian Elaun Sara Hidup (ESH) kepada nelayan dapat meringankan beban golongan tersebut.

Ketua Kawasan Nelayan Darat Manek Urai, Ong Beng Lim berkata, kebanyakan nelayan darat mempunyai lebih dari satu sumber pendapatan.

“Walaupun pada musim

tengkujuh nelayan darat dapat keluar menangkap ikan, namun tidak dapat melakukan kerja lain.

“Usaha kerajaan memberi insentif sedikit sebanyak meningkatkan pendapatan nelayan,” katanya.

Katanya, ramai yang beranggapan pendapatan golongan nelayan begitu lumayan tetapi sebenarnya ia tidak sedemikian.

“Nelayan darat amat

mengalu-alukan inisiatif kerajaan itu,” katanya.

Terdahulu, Menteri Pertanian dan Industri Asas Tani, Datuk Salahuddin Ayub memberitahu ESH kepada nelayan akan diteruskan tahun depan namun menggunakan pendekatan yang berbeza.

Kerajaan kini sedang mempertimbang untuk memberikan elaun itu sama ada melalui kad pintar atau kupon.



BENG LIM